


昌言報



中國近代期刊彙刊

昌 言 報

(一一〇冊)

中華書局

昌 言 報

中國近代期刊彙刊

•

中 華 書 局 出 版

(北京王府井大街36號)

新華書店北京發行所發行

北京新興膠印廠印刷

•

850×1168毫米1/32 • 20½印張 2 插頁

1991年9月第1版 1991年9月北京第1次印刷

印數001—600冊 定價：33.00元

ISBN 7—101—00855—0/K • 356

中國近代期刊彙刊

第一批將出版十四種期刊

《強學報》

《時務報》

《昌言報》

《實學報》

《集成報》

《清議報》

《中外紀聞》

《經世報》

《亞東時報》

《求是報》

《知新報》

《譯書公會報》

《萃報》

《蒙學報》

影印說明

《昌言報》是十九世紀末葉維新運動後期在上海發行的期刊，是《時務報》改爲「官辦」後汪康年另辦的刊物，旬刊，梁鼎芬爲總理。

一八九八年七月二十六日（光緒二十四年六月初八日），光緒皇帝下諭：「將《時務報》改爲官辦，派康有爲督辦其事。所出之報，隨時呈進，其天津、上海、湖北、廣東等處報館，凡有報單，均着該督撫咨送都察院及大學堂各一份，擇其有關時事者，由大學堂一律呈覽」（《德宗景皇帝實錄》卷四二一第七——八葉）。八月九日（六月二十二日）又諭：「着照官書局之例，由兩江總督等撥銀一千兩，並另撥開辦經費六千兩，以資佈置」（同上，卷四二二第七葉）。

《時務報》風行以後，汪康年、梁啟超之間，已有芥蒂，改爲「官報」，矛盾更深。經過張之洞幕僚與汪康年磋商，准備「讓《時務報》空名與康」，說明「館中經費，係由紳商樂捐，毫無官款，不能入公家」（葉瀚：光緒二十四年六月十六日《致汪康年書》，見《汪穉卿先生師友手札》），設法改名爲《昌言報》，由梁鼎芬爲總理，以「出面擋康」，「助汪敵康」。「指明商報，絕不與官報相混」（葉瀚：光緒二十四年六月二十二日《致汪康年書》，同上）。汪康

年遂改名《昌言報》，封面、版式和《時務報》後期一樣，表示「仍與從前《時務報》蟬聯一線」。
《昌言報跋》，《昌言報》第一冊。

《昌言報》於一八九八年八月十七日（光緒二十四年七月初一日）創刊，同年十一月十九日（十月初八日）停刊，共出十期。今據上海圖書館藏本全部影印。

爲了方便讀者，我們編了《昌言報篇目分類索引》，附于書後，以備檢索。

昌言報

光緒二十四年七月初一日 第一冊

本館設英租界大馬路泥城橋邊

譯論

斯賓塞爾文集

論旨

公牘

中國鐵路總公

司比國續訂借款合同

盧漢鐵路行車合

同

英文譯編

中國時務

德貞醫生論中英交涉事

中國鐵路局

揚子江一帶推廣商務

論湖南通商事務

雷波商務局

汕頭商務局

論中國宜設賽珍會

電報

中外電音

江洪江場圖附跋

法

文譯編

論俄國並不干預蘆漢鐵路事

論

領事與公董治理租界之權

德

國在土耳其將大有舉動

美洲新槍

修改德律風

附編

長生術

法國賽會物

件分類名目

本館告白 啓者康年於丙申秋創辦時務報延請新會梁卓如孝廉爲主筆至今兩年現既奉 旨改爲官報則時務報名目自非草野所敢擅用刻即從七月初一日起謹遵六月初八日據實昌言之 諭改爲昌言報另延請番禺梁節庵先生鼎芬爲總董一切體例均與從前時務報一律繙譯諸人亦仍其舊所代派覽閱報諸君共鑒之一價目寄費均依從前時務報之例二從前會定時務報全年者茲即接派昌言報三七月以前時務報仍由本館發售四以前時務報帳目款項請寄至本館五以後 賜函請改書昌言報館六時務官報須待康主事到後另行開辦其報費經奏定每月一兩此事本與敝館無涉因各處均紛紛函問故特附告汪康年啓

各 地 派 報 所
兼 傳 本 館 自 處
外 埠 均 在 本 地 代 派 處 定 購

京城琉璃廠廠甸總報局 保定清苑縣署內 蓮池書院 史家故址庵存厚堂 天津開
 口風神廟左首恬佑祠內昌言報分館 開口風神廟內西學官書局 大原水巷恒公館 天谷
 鳳山書院杜允明 開闢發學門路北陳公館 懷慶武陟縣右堂杜 西安城隍廟西首聚
 賢齋石印書坊 務本新報館 味經書院 蘭州電報局 聚賢齋書坊 大連礦務局
 賢陽長春巷府尹第李宅 成都新街昌言報分館 果子園宮保第楊宅 志古堂書坊
 重慶渝報館 白象街怡和行 武昌府街口昌言報分館 漢口黃陂街乙海春戒烟藥房
 黃陂街打扣巷江左漢記 宣昌二架牌坊江左漢記分局 沙市七里廟巷江左漢記分
 局 長沙礦務總局 常德南門外乙海春戒烟藥房 南昌桂旺廠汪公館內 羅祖廟前
 經濟學堂內汪 九江福康輪船公司 安慶經商總署內 電報局 姚家口江友義 廬山
 更樓東羅公館 清江善後局 河北海神廟西巷內程公館 揚州城內高公橋劉公館
 儲家巷周宅 徐州府經廳 蘇州護龍街墨林堂書坊 婁門內丁香巷吳宅 常州北門外
 街內閣第張 龜山辰記莊 常州龍城書院 江陰永恆義 無錫售申報處 北門內書
 院弄口萃新書室 鎮江經理轉寄處大開口鹽店巷吳寓 大倉西門內六加坊汪宅 杭州
 九曲巷樓宅 嘉興電報局 硤石萃古齋 湖州油車巷邱宅 晉源諸衙街餘位鹽局
 紹興水澄橋墨潤堂書坊 溫州大街時務書局 瑞興卓忠毅公祠內學計館 台州黃巖
 縣前柯泰豐 商溪電報局 福州城內三牧坊楊宅 南臺閩海關科房 泉州府城南門
 外閩海關科房 建甯電報局 廣州時務書局 知新書局 義一齋書坊 聖教書樓
 靖海門外鴻安棧 佛山舊樓街百元堂 潮州城內上東堤廣聚棧 嘉應保安局黃
 城內煥文閣書坊 汕頭雙和市廣福齋 桂林 海傍鴻安棧 聚珍書樓
 香港上環恆順泰 文武直街文裕堂書坊 神戶大阪均同茂泰
 嶺南棧 日本東京精神社 神戶大阪均同茂泰

六月初八日奉

上諭孫家鼐奏遵議上海時務報改爲官報一摺報館之設所以宣國是而通民情必應亟爲倡辦該大臣所擬章程三條均尙周妥著照所請將時務報改爲官報派康有爲督辦其事所出之報隨時呈進其天津上海湖北廣東等處報館凡有報單均著該督撫咨送都察院及大學堂各一冊擇其有關時務者由大學堂一律呈覽至各報體例自應以指陳利害開擴見聞爲主中外時事均許據實昌言不必意存忌諱副朝廷明目達聰勤求治理之至意所籌官報經費卽依議行欽此

臣孫家鼐跪 奏爲遵 旨議奏事五月二十九日內閣奉

上諭御史宋伯魯奏請將上

海時務報改爲官報一摺著總理大學堂大臣孫家鼐酌核妥議奏明辦理欽此臣竊維明自達聰唐虞之盛德采風問俗三代之隆規自古聖帝明王未有不通達下情而可臻上理者也今之論治者皆以貧弱爲患矣臣竊謂貧弱之患猶小壅蔽之患最深該御史請將時務報改爲官報進呈 御覽擬請准如所奏該御史請以梁啓超督同向來主筆人等實力辦理查梁啓超奉 旨辦理譯書事務現在學堂既開急待譯書以供士子講習尙恐分譯書功課可否以康有爲督辦官報之處恭請 聖裁抑臣更有請者唐臣魏徵對唐太宗曰人君兼聽則明偏聽則暗泰西報館林立人人閱報其報能上達於君主亦不問可知今時務報改爲官報僅一處官報得以進呈尙恐見聞不廣現在天津上海湖北廣東等處皆有報館擬請 飭各省督撫飭下各處報館凡有報單均呈送都察院一分大學堂一分擇其有關時事無甚背謬者均一律錄呈 御覽庶幾收兼聽之明無偏聽之蔽如此則皇上雖法宮高拱萬里之外如在目前於用人行政似有裨益臣謹擬章程三條開列於後一時務報雖有可取而龐雜猥瑣之談夸誕虛誣之語實所不免今既改爲官報宜令主筆

者慎加選擇如有顛倒是非混淆黑白挾嫌妄議瀆亂宸聰者一經查出主筆者不得辭其咎 一官書局向有彙報係遵總理衙門奏定章程不准議論時政不准臧否人物專譯外國之事俾閱者略知各國情形今新開官報既得隨時進呈臚陳利弊將來官書局報亦請開除禁忌仿陳詩之觀風准鄉校之議政惟各處報紙送到臣仍督飭書局辦事人員詳慎選擇不得濫爲印送 一原奏官報經費一節臣查官書局印報例令閱報者出價惟所售無多故每月經費不足由書局貼補茲新設官報閱報者自應一體出價擬請將此項官報隨時寄送各省督撫通行道府州縣均令閱看每月出價銀一兩統十八省一千數百州縣約計每月得價近一千兩常年核算約在兩萬四千之譜加以官商士庶閱報出價經費亦可得鉅款於紙墨刷印工本自當游刃有餘可無庸另籌經費惟創設之始需費必需數千金若在上海開辦或由上海道代爲設法可令該員自往籌商 以上遵 旨議奏及所籌辦法是否有當伏乞 皇上聖鑒訓示謹 奏

謹按康年於丙申之春倡設時務報惟時南皮張制軍提倡於先中外諸大吏振掖於後各省同志復相應和先後延請梁卓如麥孺博章校叔徐君勉歐雲樵諸君爲主筆張少塘郭秋坪古城坦堂潘士襄李一琴曾敬詒諸君繙譯東文西文各報復旁羅章奏要件以備考求時事者之採擇方懼指斥稍過不免干觸忌諱不意官奏請遽蒙 優詔改爲官報復派康有爲督辦報務實爲草野之至榮惟官報體裁爲 國家所設下動臣民之瞻矚外開萬國之聽聞著論譯文偶有不慎卽生瑕玦自斷非草莽臣所敢擅擬謹已暫行停止俟康工部到申再由其籌辦本館特改名昌言報仍與從前時務報蟬聯一線既上承 聖主旁羅之至意復仰體同志扶掖之盛心特謹跋於此汪康年恭跋

斯賓塞爾文集卷之一

湘鄉曾廣陸探譯
餘杭章炳麟筆述

第一論

論進境之理

言進境者。至嚙口敝舌而人或不能喻。非其言之難喻也。其所包者既深闊廣博。雖言進固不足盡之。假借以立號。緣不得已以定名。則言進云爾。今夫五洲之國。其戶口之多寡。版圖之廣狹。物產之盈絀。械器之良楮。貨殖之奇贏。法度之優劣。斯固可以進境言之矣。從而詢其人之志識學問。與其技藝。則其用在虛。大氣舉之。其思慮與神明往來。不可以校先後。進境之義。於此又非其剴切者也。至微之理。或虛而無所薄。迹象所不能顯。彼齟齬之爲成人歟。野蠻之慕爲賢聖歟。非閱歷問學。不足以就固也。然而鑒飫於閱歷問學矣。其智慮或不足以運之。則是安足爲用也。今人類教化。所需於器物者愈多。斯似教化進境之準矣。庸詎知識見既精。閱歷既廣。則所待於用者。自不能不求其博。非因物而增識。乃因識而須物。斯亦自然之勢也。然則其內不足以表外。而其外乃可以表內矣。是故欲探隱索微。宜一切滌除其故見。譬之地球之變遷。滄海大陸之不能久。非深求地學。與考其變化之理者。無以知之。以是知凡事當得其比例。而後可考其進境何如也。

凡物之體質與其生長消滅德人嘗深格之矣胡爾夫氏葛伊特氏及方巴葉氏其著述皆足以橫一世余亦得其畧說云植物之質由種子化生而成樹保蟲動物之胎卵而成體其消長同其變化則異當其未判也格而化之其種種質若一焉及爲二質然後有變化其變化至於成人成物而後止固知由一質之種而變化至於無窮吾於是知進境之理猶是理也夫地球之成果衆生之成果交際之成果政治之成果製造之成果貿易之成果語言文學工藝之成果其始皆原於一其後愈推至於無盡蓋夫日夜相代乎前而未嘗息者斯進境之說也

由是觀之吹萬不同而同出於一塵點則天文之理亦以是求之可也姑以爲權輿太始之時太陽與各星質皆爲散點因歛而成積則當其未積與其質之尙散也元氣睢盱若一物而已質同熱度同乃至種種形相莫不皆同既而漸移若波浪之相驅者於是空實積散內外熱度其異如東西馳以成夫旋轉速緩之不同至於今日吾儕所獲覩者此也太陽與星鉅細輕重既不一其周行亦不能一而各行星之繞太陽與各月之繞行星其異象更不可以縷指數也大明赫赫其熱度數倍列星近天文家嘗以列星之熱度皆受於太陽體有高卑故受有大小其回熱亦有等差自餘行星流星距度之遠近軌道之高下重心之離毗吸力之遲速體質之麇雜比而

觀之。然後知太陽與各星之質。詭形絕跡。以至於此也。烏呼。吾不得太初之神人。與之論大塊之理。故所見局促於是。又安知是紛論錯雜者。其始固一質之點所積而成乎。

以是推之。又可以測地球。地學家云。地球之初。化鎔之流質也。故今時下於地面十數里。猶有陰火潛蟄。其土壤猶若流質焉。吾是以知其初爲一質已。何者。凡化鎔之流質。如金在冶。雖雜以鑛鐵。未有不合爲一體。而成非金非鐵之一質者。是故熱度相等。其周圍則化水成氣。而氣之熱度必大。然氣中含熱。久且布散。其散也。微漸而不能覺。雖昔之布散。較今日爲尤甚。然非更數千百劫。其變化成果。不能以顯。迨成果則爲將來地球之殼。而變化之胚胎可見矣。久之炎火喝氣。日以殺滅。則質點下沈。其積愈厚。初則化水。終則化爲塵埃野馬。至是必又得一理焉。熱度布散最速之處。大抵在兩極。是雖推以已知之理。所見不越宙舍之內。然討論地質層次。其定理固不出此。凡地球之壳。分爲數層。每層變化。其上層則多於下層。其下層則速於上層。是故較上之層。其原質難知。加以后土富媼。有永遠不熄之火。時而爆裂。則旣成之層。爲之變亂。方向漸移。故成金苗。而地亦因以殘破。其形易矣。故原質更不可知。地學家或云。古山不高。其質亦不甚雜。高山皆近時物也。如喜馬訥雅諸山。爲地球

最新之變態。然則安知瀛海之底。不有是變態者乎。惟變態不已。故地面積土一里之中。而有燥溼殊形。堅疏異質者。

天氣之變化。以區域殊。非直以區域殊。即數日間亦殊。是由地面之受熱度。勿能一致也。地球之熱。簸揚而散。搏聚而成積。則所受熱度。日見其懸殊。故今世有永冰之界。有不冰之界。有永冬之界。有永夏之界。地之高下。並時而呈形。突者成山。竄者成海。水已積流以成海矣。則地氣之變化愈多。何者。水之含熱較氣之含熱爲能久。故一度之間。其溫涼必異於彼。與其地形之殊。土性之殊。層次之殊焉。今世以專門名學者。若地理若地質。若礦苗。若星質。若天文。雖以畢身之力殉之。其得者僅若以錐視文。嗚呼。以大圖之奧博。譬生微眇。曾不黍子若。而欲寫其形。求其義。亦可悲也已。將求之於動植諸物。觀其曾經在世與現在在世者。而考其所自來。則苦於無據。未易以物類推知也。然當其萌芽膏胚以前。亦必自一點始。則無疑已。雖然。以吾目之所覩。尋其氣母。索其本底。此種之化。由彼種與否。此類之茁。由彼類與否。則異同莫能辨也。是何也。既無徵驗。而求之於理。其理所趨。則不足以定一。是辨詰愆衆。而學者眩矣。夫地球之漫沒於水者。於面積三分而一。其平原島嶼叢榛巨篲之間。人跡或不能至。就其所能至者而言之。則考卉木辨鱗羽者已希。頃歲以來。乃稍稍有志

此者其所推測能必其是耶。且生物徃徃無百年之壽。乃有朝生而夕死者。蜉蝣蟪蛄。萬物中不止十數也。求其先後層次。率以變化太速。無可引驗而退。然則其所已驗者。能必其可信乎。以余所聞相地之專家。或指一區曰。此其下當有魚。及指視之。則有虺蛇焉。又指一區曰。此其下當有獸。及指視之。則積潦無生物。諦視乃得微蟲。蝦蟇而已。其不足取信也固宜。雖然。因是竟廢其學。則又非策也。人貴積思。學問始於廣聞見。今世學者。其訛謬誠衆矣。抑非專家之咎。其咎乃在聞見之不廣也。

人有得古物者。或雀躍大喜。以爲最古之物。非也。物之最古者。鎔變久矣。今子遺且不存。何自得之。夫我生以前。事理之蕃變。智識所不能知也。我生以後。事理之蕃變。智識所不能知也。或言地球之亡。可跂足而待。其語誠夸矣。亦安知其必不中也。由地球之有亡滅。可以知其必爲積點所成。可以知其日久而變化。然則古物之受鎔也。復何惑焉。物類生長之先後。必可信者。如脊骨類之先魚。以今之鱗物。無大異於古爲驗也。次魚生者則蛇。次蛇生者則獸。次獸生者則禽雀。是皆驗之骸骨石迹。而可知矣。或曰。地之初變。非由水所冲刷。則魚蛇之層。何以有古獸之骨。余謝之曰。爲斯學者。亦引其綱領而已。猝變之理。不解之惑。則不敢道也。

雖然欲免是駁。則請以獸類推言之。獸之變化最多。其勢力因以最鉅。然如袋獸類。

最賤物也。而其生最先。人於生物爲最貴。其生也亦最後。然則智力之鉅者必後生。其微者必先。生。由是以知地球初層。其徧生魚類無疑也。然而果有入幽谷者。能得初層而履行之。則其所見生物。或有異於魚者矣。前乎魚者不可知。就吾所覩。則獨有魚耳。專家論是者。其文實繁。余不敢僥言。懷所欲陳。則盡乎此而止。其餘以俟高材特達之士。

由一而化萬。其理杳矣。吾勿論地球之上何所據也。地球之有人。是爲最新生物。其質點雜甚。其種類亦雜甚。其望而可知。足以分別種族者。獨在四肢。賤種如生番上體。頗稱而股足頓弛。僅若高等之獸。蓋其蛻獸骨以成圓首方趾之形者。他皆易故形矣。惟股足未盡易爾。貴種者。其股足肥碩。與獸絕異。此其大畛也。凶骨之形。賤種則蹙而小。其腦少精。故其知識微。貴種閑而鉅。其腦多精。其神經特足。故其知識盛。足以明微妙之理。足以就已知之理。而推未知之理。此又其大畛也。雖然。凡人始墮地也。貴賤種皆嬰媯而已。不見其異。及其長也。而日見其不同。股之鉅。鼻柱之峻。目之睥。脣之平。頷骨之寬。而不削。惟貴種擅之。彼曷爲有此變化哉。試求之墮地之初。則知其變化必始於一原矣。或曰。人類不自一原出。此可以證種姓之不同。終不能謂生民之無所原也。於其所原者。又求其原。則不歸於一不止。

未完

諭旨恭錄

五月十七日奉 上諭胡聘之奏遵議武科改制各條開單呈覽一摺另片奏鄉會各試請將學堂生童擇優取中等語著兵部會同總理各國事務衙門歸入陶模奏請變通武科摺內一併議奏單併發欽此○又奉 上諭松椿奏已故大員遺愛在民懇准捐建專祠一摺原任大學士張之萬前在漕運總督任內禦寇治河恤民造士成績昭著遺愛弗諼據該紳士等臚陳事實援案具呈著准其捐建專祠列入祀典以彰盡績而順輿情該部知道欽此○又奉 上諭自古致治之道必以開物成務爲先近來各國通商工藝繁興風氣日闢中國地大物博聰明才力不乏傑出之英祇以囿于舊習未能自出新奇現在振興庶務富強至計首在鼓勵人才各省士民著有新書及創行新法製成新器果係堪資實用者允宜懸賞以爲之勸或量其材能試以實職或錫之章服表以殊榮所製之器頒給執照酌定年限准其專利售賣其有能獨力創建學堂開闢地利興造槍礮各廠有裨於經國遠猷殖民大計並著照軍功之例給予特賞以昭激勵其如何詳定章程之處著總理各國事務衙門卽行妥議具奏欽此○又奉 上諭前據御史楊崇伊奏叅左中允黃思永辦理賑務被控有案等語當經諭令順天府查明具奏茲據孫家鼐等奏稱黃思永辦理義